

# Namen Nehemia: C. XII. CCLXVIII.

der Priester vnter den Priestern vnd iren Brüdern zum zeiten Jesua. Die Leuiten aber  
 ster vnd waren diese/ Jesua/ Benni/ Kadmiel/ Serebja/ Juda/ vnd Mathanja / vber  
 Leuiten/ das Danckampt/ er vnd sein brüder. Bakbukja vnd Dnni ire brüder waren  
 die mit Ze rubabel vmb sie zur Hut.

Jesua zeuget Joiakim/ Joiakim zeuget Eliasib / Eliasib zeuget Joiada/  
 Joiada zeuget Jonathan / Jonathan zeuget Jaddua. Vnd zum zeiten Joia-  
 kim waren diese oberste Veter vnter den Priestern/ nemlich/ von Seraja war  
 Meraja/ von Jeremja war Hananja/ von Esra war Mesullam / von Amar-  
 ja war Johanan/ von Malluch war Jonathan/ von Sebanja war Joseph/  
 von Harim war Adna/ von Meraioth war Helkai / von Jodo war Sachar-  
 ja/ von Ginthon war Mesullam/ von Abia war Sichri/ von Meiamin Mo-  
 adja war Piltai/ von Bilga war Sammua / von Semaja war Jonathan /  
 von Joiarib war Mathnai/ von Jedaja war Vsi / von Sallai war Kallai/  
 von Amok war Eber/ von Hilkia war Hasabja/ von Jedaja war Methaneel.

( Jaddua )  
 Dis ist Jaddus  
 der den grossen  
 Alexander zu Jeru-  
 susalem empfieng  
 Also hat Nehemia  
 vtleicht Esra  
 auch/ den Alexan-  
 der erreicht / vnd  
 seer alt worden /  
 vnd vter oder  
 fünfzig Sohepries-  
 ter vberlebt.

VND zum zeiten Eliasib/ Joiada/ Johanan / vnd Jaddua wurden die  
 obersten Veter vnter den Leuiten/ vnd die Priester beschrieben vnter dem Kö-  
 nigreich Darij des Persen. Es wurden aber die kinder Leui die obersten Veter  
 beschrieben in die Chronica/ bis zur zeit Johanan des sons Eliasib. Vnd dis  
 waren die Obersten vnter den Leuiten/ Hasabja/ Serebja / vnd Jesua der son  
 Kadmiel/ vnd ire Brüder neben jnen zu loben vnd zu dancken / wie es Dauid  
 der man Gottes geboten hatte/ eine Hut vmb die ander. Mathanja/ Bakbuk-  
 ja/ Obadja/ Mesullam/ Talmon vnd Akub waren Thorhüter an der Hut/ an  
 den schwellen in den thoren. Diese waren zum zeiten Joiakim des sons Jesua/  
 des sons Jozadak/ vnd zum zeiten Nehemja des Landpflegers/ vnd des Prie-  
 sters Esra des Schriftgelehrten.

VND in der Einweihung der mauren zu Jerusalem/ suchet man die Leui-  
 sten aus allen iren Orten / das man sie gen Jerusalem brechte / zu halten  
 Einweihung/ in freuden/ mit dancken/ mit singen / Cymbalen / Psalteren  
 vnd Harffen. Vnd es versamleten sich die kinder der Senger / vnd von der ge-  
 gend vmb Jerusalem her / vnd von den höfen Metophathi / vnd vom hause  
 Gilgal/ vnd von den Eckern zu Gibeab vnd Asmaueth/ Denn die Senger hatten  
 jnen höfe gebawet vmb Jerusalem her. Vnd die Priester vnd Leuiten reinige-  
 ten sich/ vnd reinigeteten das Volck/ die thor vnd die mauren.

Einwei-  
 hung der mauren  
 zu Jerusalem.

VND ich lies die fürsten Juda oben auff die mauren steigen / vnd bestel-  
 let zween grosse Danckchor/ die giengen hin zur rechten oben auff die mauren  
 zum Mistthor werds. Vnd jnen gieng nach Hosaja / vnd die helfft der fürsten  
 Juda/ vnd Asaria/ Esra/ Mesullam / Juda / Ben Jamin / Semaja vnd Je-  
 remja. Vnd etliche der Priester kinder mit Drometen/ nemlich/ Sacharja/ der  
 son Jonathan/ des sons Semaja/ des sons Mathanja / des sons Michaja/  
 des sons Sachur/ des sons Assaph/ vnd seine brüder/ Semaja/ Asareel/ Mi-  
 lalai/ Gilalai/ Maai/ Methaneel / vnd Juda/ Hanani / mit den Seitenspielen  
 Dauids des mans Gottes / Esra aber der Schriftgelehrte fur jnen her/ zum  
 Brunthor werds. Vnd giengen neben jnen auff den stufen / zur stad Dauid  
 die mauren auff hin/ zum hause Dauid hin an/ bis an das Wasserthor gegen  
 morgen.

DER ander Danckchor gieng gegen jnen vber / Vnd ich im nach / vnd  
 die helfft des volcks/ die mauren hin an / zum Ofenthurm hin auff / bis an die  
 Breite mauren / vnd zum thor Ephraim hin an / vnd zum Altenthor / vnd  
 zum Fischthor/ vnd zum thurn Hananeel / vnd zum thurn Mea/ bis an das  
 Schaffthor/ vnd blieben stehen im Kerckerthor. Vnd stunden also die zween  
 Danckchor im hause Gottes/ vnd ich vnd die helfft der Obersten mit mir. Vnd  
 die Priester/ nemlich/ Eljakim / Maeseja / Min Jamin / Michaja/ Elioenai/  
 Sacharja/ Hananja mit Drometen/ vnd Maeseja / Semaja / Eleasar/ Vsi/  
 y iij Johanan/